

INFORMOJMË QYTETARËT PËR NDIHMËN EKONOMIKE

Gjatë muajit Mars, Drejtoresha e Përgjithshme e SHSSH, Znj. Luneda Sufali ka marrë pjesë në një takim pune me administratorët shoqërorë të bashkive të Qarkut Kukës.

Në fokus të takimit ishte implementimi i skemës së re të ndihmës ekonomike, që ka filluar shtrirjen në gjithë Shqipërinë, pasi është pilotuar me sukses në qarqet Tiranë, Durrës dhe Elbasan.

Në takim u diskutua për:

- Orientimin dhe informimin e qytetarëve për të aplikuar në mënyrën e duhur,
- Plotësimi i saktë i formularëve të aplikimit,
- Përdorimi i duhur i fondit 6% të ndihmës ekonomike nga bashkitë,
- Bashkëpunimi me Zyrat e Punës për fuqizimin e familjeve që marrin NE.

Në takim merrnin pjesë Prefekti i Qarkut Kukës, Z. Zenel Kuçana, Drejtoresha e Kontrollit të NE dhe PAK, Znj. Miranda Pashaj, Drejtorja Rajonale SHSSH, Kukës dhe administratorë shoqërorë të qarkut Kukës.

Skema e re e ndihmës ekonomike targeton më mirë varfërinë, dhe shmang në maksimum abuzuesit. SHSSH do të vazhdojë takimet me Drejtoritë Rajonale dhe administratorët shoqërorë që skema e re e NE të zbatohet me sukses, familjet më të varfëra të përfitojnë NE dhe abuzuesit të dalin nga skema.



KUSHDO QË ABUZON ME LIGJIN, DUHET TË MBAJË PËRGJEGJËSI PENALE.

Falë bashkëpunimit me mediat dhe qytetarët ky mision realizohet me shpejt dhe më mirë.

Ndaj jeni të mirëpritur për të referuar çdo rast abuzimi që dyshoni. Drejtoresha e Shërbimit Social të Tiranës, Luneda Sufali u shpreh se pas denoncimit të emisionit “Stop”, Shërbimi Social Shtetëror zhvilloi një audit, nga ku rezultoi se ishin përfshirë edhe 5 administratorë të tjerë në abuzim.

“Shërbimi social ngriti grupin e auditit dhe vëzhgoi komplet familjen Qema. Në këtë situatë nuk është përfshirë vetëm një administratore, zonja Dhurata Çali, por janë përfshirë edhe 5 administratorë të tjerë. Sipas VKM-së, numër 955, të vitit 2016, anëtari madhor i familjes është i detyruar të paraqitet për të plotësuar deklaratën 3-mujore të ndryshimit social ekonomik. Kjo deklaratë është hedhur në sistemin e regjistrimit elektronik të ndihmës ekonomike nga 6 administratorë: Sinan Çerpja, Rilinda Dauti, Luan Xhika dhe kryesisht peshën më të madhe e mban Dhurata Çali, Alltana Dura dhe Esmeralda Troçi”. Drejtoresha Sufali deklaroi se institucioni që drejton ka bërë kallëzim penal pranë Prokurorisë së Rrethit Gjyqësor për të gjashtë administratorët e rastit abuziv të ndihmës ekonomike dhe se gjithashtu Rabie Mema, administratorja që ka tërhequr çdo muaj pagesën e ndihmës ekonomike për familjen Qema, duhet të kthejë dëmin financiar të shkaktuar nga ky abuzim, me vlerën e 228,960 lekë të reja. SHSSH do të punojë çdo ditë për të larguar abuzuesit nga përfitimi i ndihmës ekonomike, dhe për t'u siguruar që më të varfërit ta përfitojnë atë.

#Drejtoria e Kontrollit NE dhe PAK

Gjatë muajit Mars në Drejtorinë e Përgjithshme u mbajt takim me 12 Drejtoritë Rajonale. Ky takim u organizua me qëllim punësimin e anëtarëve të familjeve që janë larguar nga skema e ndihmës ekonomike dhe të familjeve që janë ende pjesë e skemës. Ky bashkëpunim vjen dhe në saj të mbështetjes së vazhdueshme që kemi dhe me zyrat e punësimit.

Në takim kanë marrë pjesë 12 drejtorët rajonalë të SHSSH, Drejtoria e NE dhe Pak si dhe Drejtoresha e Përgjithshme.

#Drejtoria e Shërbimeve Sociale

#SfidatgjatëMenaxhimit

Nga Drejtoria e Shërbimeve Sociale janë realizuar për muajin Mars 9 sistemime fëmijësh në IPSH. Janë pranuar 4 të moshuar në IPSH dhe 2 të moshuar janë transferuar. Janë rinovuar 32 statuse jetimi. Gjithashtu janë realizuar 25 vlerësime për fëmijët e pashoqëruar, janë rikthyer 6 fëmijë të pashoqëruar dhe 3 raste VT/VMT, lajm i mirë mbetet fakti që për muajin Mars kemi 20 raste të menaxhuara me sukses.

#8 Marsi Dita Ndërkombëtare e Gruas

Nuk kishte si të mungonte mesazhi i Shërbimit Social Shtetëror dhe ditën e 8 Marsit ku Drejtoresha e SHSSH, Luneda Sufali ka uruar Ditën Ndërkombëtare të Gruas nga Qendra Kombëtare Pritëse e Viktimave të Trafikimit.

Në fokus të fjalës së saj ishte fuqizimi i grave dhe vajzave për një jetë të pavarur ku çdo njëra vendos me vullnet të lirë për veten.

Drejtoresha Sufali theksoi se mbështetja e SHSSH për të gjitha gratë dhe vajzat dhe kryesisht për viktimat e trafikimit do të jetë e vazhdueshme, deri në integrimin e tyre të plotë në shoqëri, nëpërmjet programeve të mbështetjes për edukim, formim profesional dhe punësim.



#DITA BOTËRORE E SHËNDETIT ORAL

Shërbimi Social Shtetëror në bashkëpunim me Klinikën Stomatologjike Universitare dhe Fakultetin e Mjekësisë Dentare, organizuan një aktivitet sensibilizues tek Shtëpia e Fëmijës “Zyber Hallulli”. Ky aktivitet u organizua në kuadër të Ditës Botërore të Shëndetit Oral, e vendosur nga Federata Dentare Botërore, dhe organizohet çdo vit në 20 Mars.



Kjo ditë synon të rrisë ndërgjegjësimin, si dhe të tregojë rëndësinë e madhe që ka shëndeti oral në shëndetin e përgjithshëm dhe mirëqenien. Higjiena e mirë e gojës është shumë e rëndësishme sepse favorizon një shëndet të mirë.

Drejtoresha e Përgjithshme e SHSSH, Luneda Sufali, e pranishme në aktivitet, duke falenderuar bashkëpunëtorët për aktivitetin e organizuar theksoi se: “Fëmijët e Shtëpisë “Zyber Hallulli” por edhe të gjithë përfituesit në Institucionet e Përkujdesit Shoqëror në varësi të SHSSH kanë nevojë për përkujdesje në çdo

ditë të vitit, dhe jo vetëm në ditë të shënuara botërore. Përkujdesi social dhe shëndetësor ndaj shtresave më në nevojë nuk do të mungojë në asnjë ditë vitit dhe Shërbimi Social Shtetëror do të bashkëpunojë çdo institucion, organizatë apo grupe qytetare për t'u shërbyer me përkushtim cilësi. Ndaj bashkëpunime të tilla janë të mirëpritura në vazhdimësi”.

Në këtë aktivitet fillimisht, fëmijëve iu shpjegua rëndësia e shëndetit oral, që u krye nga studentet e vitit të pestë të FMD bashkë me mjekët e klinikës, dhe më pas u zhvilluan demonstrime mbi mënyrat korrekte të larjes së dhëmbëve (në mulazhe), të mbajtjes së higjenes dentare etj, në kuadrin e të cilave u shpërndanë furça dhe pasta dhëmbësh.

Për fëmijët është parashikuar dhe vizitë pranë Klinikës Stomatologjike Universitare me qëllim mirëmbajtjen e higjenes së gojës. Ky shërbim ofrohet falas për të gjithë fëmijet dhe familjet në nevojë, me qëllim për t'u kujdesur për shëndetin oral të të gjitha familjeve që nuk kanë mundësi ekonomike për të shkuar tek dentisti.

Të tilla aktivitete sensibilizuese, dhe shërbime falas në klinikë të përfituesve të IPSH-ve apo familjeve në nevojë do të organizohen në vazhdimësi falë bashkëpunimit me Klinikën Stomatologjike Universitare, Fakultetin e Mjekësisë Dentare dhe partnerë të tjerë.

Lajm i mirë nga Berati . Sistemohet në insitucion i moshuari në nevojë

Gjatë këtij muaji Drejtoria Rajonale SHSSH Berat pas referimit nga Drejtoria e Policisë Vendore të rastit të Sherif Shani 82 vjeç, ka mundur sistemimin e këtij të fundit në Shtëpinë e të Moshuarve Poliçan.

Z. Shani jetonte i vetmuar, dhe duke u ngrohur kishte pësuar djegie të lehtë tek këmbët, por Forcat e Policisë kanë mbërritur në kohë për të shmangur tragjedinë, duke e dërguar tek Urgjenca e Spitalit Rajonal Berat dhe duke i ofruar ndihmën e parë mjekësore.

Duke filluar që nga sot, Sherifi do të jetojë në Shtëpinë e të Moshuarve Poliçan me bashkëmoshatarët e tij, në përkujdesjen shoqërore dhe mjekësore të stafit të qendrës.



#Qendra E Zhvillimit " Pëllumbat"

Dita e 14 Marsit është ditë e cila na sjell në vëmendje verën, fëmijët e "Qëndës së Zhvillimit Pëllumbat" festuan këtë ditë në oborrin e kësaj qendre.

Kjo ditë ishte plot me diell dhe argëtim pasi fëmijët vendosën zbukurimet e tyre të përgatitura enkas për këtë ditë.

Si gjithmonë prezent në festat tona janë vullnetarët e mrekullueshme Ana dhe Marina të cilat nuk janë kursyer kurrë për të kaluar kohë produktive me fëmijët. Kësaj here iu bashkua dhe grupi rinor aktiv i Kishës Ortodokse.

